

मचावु ब्यंके सफू



लेखकः

अङ्गीरत्न अङ्गाचार्य
मन्त्रसिद्धि महाविहार



पिकापिः

महाराष्ट्र पूर्ण सेवा कालः

वज्ररत्न पञ्जिका नं. ४

श्री गुरु स्व. पं. प्रसोधवज्र वज्राचार्यया पुण्य स्मृतिस

मचाबु व्यंके सफू

लेखकः

वद्रोरत्न वज्राचार्य
मन्त्रसिद्धि महाविहार

पिकापिः

महायान पूर्व सेवा खलः

ने. सं. १०६६ चिल्लागा अष्टमी

प्रथमवार १००० प्रति

सफू दैगु थाय्:-

वद्रीरत्न वज्राचार्य, तक्षः बहा
रत्नकाजी वज्राचार्य, सवल बहा



थाकू:- पूर्णरत्न वज्राचार्य

संकटा प्रेस ६/५३४, टेवहा ।



स्वर्गीय पं. अमोघ वज्र वज्राचार्य
जन्म:- ने. सं. १०३० गुँलाख्व अठ्ठमी
स्वर्गारोहण:- ने. सं. १०६६ पोहेलागा औंसी

स्व. पं. गुरुवर श्री अमोघवज्र वज्राचार्यया संचित्त परिचय ।

जन्मः— नेपाल सम्बत १०३० दं
गुंलाथ्व अष्टमी ।

गुंला थ्व अष्टमी यल पञ्चदान पुण्य पर्व
खुन्हु कान्तिपुर हेम वर्ण महाविहार (गंवाहा)या
प्रसिद्ध वज्राचार्य कुले वस्पोलया जन्म जूगु खः ।

बौ पं. श्री नील वज्रया वात्सल्यताया
किचलं खय्का मां श्रीमती कान्छीमायाया
स्नेहमय मुले व्वलना वस्पोलया प्रारंभिक
शिक्षा थःगुछेहे जुल । अनंलि संस्कृत, प्राचिन
लिपि, वज्रयान संवन्धी कर्मकाण्ड, चर्यागीत,
नृत्य, मुद्रा, पञ्चताल, बौद्ध ग्रन्थ, जातक, अव-
दान, पुराण, मन्त्र, तन्त्र, छन्द शास्त्र, आदि

अध्ययन याना विज्यात । हानं वज्राचार्यं पित
मदयक मगागु, सयेके मागु ज्योतिष, चित्रकला,
नाडि परिशा, सक्षिप्त आयुर्वेद चिकित्सा पं
डमरु देव जर्मा पाखें यथाशक्त सयेका विज्यात ।
अले चतुर्दशाभिषेक दिक्षा थः अबुजु श्राक्रे ग्रहण
याना विज्यात ।

करिव नीच्यादंतिया वैसे मूवाहाया स्व०
योगरत्न वज्राचार्यनाप हिमालय क्वे स्याप्रु गुम्वा
(तिब्बती विहार) स च्वना विज्याह्य अवतारी
लामा गुरु श्री प्रज्ञावज्र पाखें दहितक वायुयोग
(प्राणायाम) स्यना विज्यात । अनंलिपा ४६ दँ
निसें आरम्भ याना विज्यागु उत्क्रान्ति अन्तः
क्रिया, शान्ति स्वस्ति कर्म योगाभ्यासनं प्रयोग
याना विज्यात ।

अथेहे वज्रयानी प्रसिद्ध विद्वान श्री गुह्यहर्ष
वज्राचार्य पाखें बौद्ध संस्कृति चक्रपूजा अध्ययन
जकमखु, मचां निसें दीक्षा गुरुपिनीगु निर्देशने
च्वना आपालं चक्र पूजादि ज्या याना विज्यात,

स्व. पं. श्री अमोघ वज्र जुं थःगु सम्पूर्ण
जीवन धार्मिक एवं सामाजिक क्षेत्रे संकल्प याना
बिज्यात । ६४ गु पीठ सेवाया आयोजना, थःहे
प्रधानाचार्य जुया दीक्षाया आयोजना, ४५ दँय्
हेम वर्ण महा विहारया स्थविराभिषेक ग्रहण,
सिन्दुरात्मक चक्र-पूजा षड् त्रिंशत्त्मक चक्रपूजा
आदि विभिन्न पूजाय् च्वना बिज्यात ।

अथेहे शान्तिघट (सिधः) चैत्य जीर्णोद्धार
पूजाय् उप आचार्य, सिद्धाचार्य ओदियानं स्था-
पना याह्य ऊर्ध्वपाद श्री वज्रयोगिनी (फंपी)
जीर्णोद्धार याना प्रतिष्ठा यायेत जूगु अहोरात्र
होम प्रतिष्ठा कर्म कर्माचार्य जुया बिज्यात ।
हानं थःगु विहारे श्री हारती मन्दिर व अक्षोभ्य
तथागतया कलेवर जीर्णोद्धार व प्रतिष्ठा नं
वस्पोलया आयोजनाहे जुल । छुं दँ न्हापा चारुमती
(चावही) या क्वापा द्योः व अनया आगं द्योः
जीर्णोद्धार स्थानीय परम्परागत पद्धति कथं
माक्व प्रवन्ध मिले याना उप प्रधानाचार्य नं थःहे

जुया ज्यायाना बिज्यात । अनंलिपा नागार्जुन
 गुं क्वे श्री गुह्येश्वरी कुण्डया जीर्णोद्धार, स्व-
 यम्भू श्री हारती माजुया चूडामणी (गजू) व पौ-
 या जीर्णोद्धार व जमलया मंत्रीवोधिसत्व जीर्णो-
 द्वारे उप प्रधानाचार्य व पूजास स्व. पं. अमोघ
 वज्र वज्राचार्य जुं क्वव ग्वाहालि बिया बिज्यात ।
 वस्पोल गुरुया जीवन काले जूगु छता छता च्वया
 यंका अि थें जाम्हेसियां छु च्वये फैं, च्वयां साध्य
 जुगु मखु ।

वस्पोलं थःगु सम्पूर्ण शक्ति सामर्थ्य भी
 जातीया पूजा पद्धतिया संवर्द्धन व संरक्षण
 या लागि अर्पण याना बिज्यागु दु ।

भीगु वज्राचार्य समाज आपालं सुधार
 यायेमाला च्वंगुदु । भीगु पूजा विधि वाक्य, सूत्र
 तन्त्रमन्त्र शुद्धिकरण यानातं एक रूपता ह्ये माला
 च्वंगु दु । अले भी वज्राचार्य पिनी योग्यताय्
 मान मर्यादा कोटुना बनी मखु । थुकिसं
 वस्पोलं भी वज्राचार्यपिन्त प्रारम्भिक पूजा

कर्मकाण्डे मागु गुरुमण्डल कलशाचन विधान,
पिण्ड विधान, यज्ञ विधान, आदि सकूयात
पिकया पठन पाठने एक रूपता जक मखु पूजाया
महिमा व महत्व नं थ्वीकेगु कुत याना बिज्यागु
भीत सदां लुमना चवनी ।

वस्पोलं थःगु जीवनया अन्तिम चरण तकनं
भी बौद्ध सांस्कृतिक पूजा क्रिया पद्धति व भी
वज्राचार्यया प्रतिष्ठा प्रति चिन्तित जुया निर्वाण
पद प्राप्त जूवने फेगु भीगु वज्रयानी चर्या
संरक्षण ज्वीमा घैगु कामना यासे थ्वहे १०६६
माघ कृष्ण औंसिखुन्हु तुमिलाय् आजु मदया
वंथ्ये जिह्वा पूज्य गुरुवर वन्हिसिया अन्दाजि ८
बजे जुया ४१ मिनेटे अनित्य देहयात त्याग याना
स्वर्गारोहण जुया बिज्यात ।

— लेखक

छत्वा खँ

नेपालया नेपामीपिनी यायीगु संस्कारे दशकर्म
घालसां भिगु कर्म दयाच्चंगुदु, थ्वखः-

गर्भाधान, पुंसवनं सीमन्तोपनयनं तथा
जातनामोपनयनं चूडाकरणमेव च ॥

ब्रतादेशसमावर्तौ पाणिग्रहणकर्म च ॥

दशकर्मधयागु, गर्भाधान निसैंकया पाणिग्रहण
कर्म तक खः । न्हापाया कर्म गर्भाधान कर्म खः ।
थ्व कर्म मिसापिन्त जक छकलं छकःजक वाधा
तयेगु घका वाधा तथा व्यंकेगु घका यायीगु
कर्म खः । थ्व गर्भाधान कर्मया विषय (वाधा
व्यंकेगु) सफु वज्ररत्न पञ्जिका नं १ प्रकाश
जुगुदु ।

हानं निकोगु कर्मयात पुंसवनकर्म घका धायी ।
थ्व कर्म मचा प्वाथे दया निला वा स्वलां

यायीगु जुल । हानं स्वकोगु कर्मयात सीमन्तोपनयव
कर्म घका घायी । ध्वकर्म मचाप्वाथे दया खुली
वा च्यालां यायीगु जुल । थथेहे मचा बुल कि
यायीगु कर्मयात जातकर्म घका घायी ।

ध्वजात कर्म यायेगु दिन

मचा बुगु दिने सिचूपालु छायेगु, उखुन्हुंहे अवुं
दक्षिणा छाया मचाया रुवाः स्वयेगु पिघेनेगु
प्यन्हु खुन्हु व्यंका घ्यो कष्टि साज मचायात
नकेगु, खुन्हु दुखुन्हु सिथार पूजा, भिन्हु खुन्हुनिसें
भिनिन्हु खुन्हुया भित्रे नामाकर्म याये । आ थन
ध्व फुक्क कर्म व्यंके खुन्हु दिनेहे याना सिघयेका
तल । अयसानं ध्व सफुति थुखुन्हु थुखुन्हु यायेगु
घका च्वया वियागु जुल । ध्व सफु च्वयेन
स्वयागु गुरु सफुत ध्व खः- क्रियासंग्रह, क्रिया
समुच्चय, कुलदत्त पञ्जिका, नेमसूत्र पारा-
जिका मञ्जुश्री पाराजिका अले थनें ववनें
दथुत्वा या गुरु वज्राचार्यपिके च्वंगु जात कर्म
मचाबु व्यंकेगु सफु स्वया चोयागु जुल । थुकि

द्वंगु स्यंगु, मगागु अपालं दयफु । क्षमातया श्रीगुरु
वज्राचार्यं पिसं प्रमाण सहितगु सफुत विया
श्व सफुति द्वंगु स्यंगुम गागु अशुद्धगुलि सुचंविल
घासा सहर्ष स्वीकार याना शुद्ध रुपं पुनः
प्रकाशन यायेगुलि कुत याये ।

आ थन जिगु दुःखया खँ:- जिह्वा पूज्य गुरु
पं. श्री अमोघवज्र वज्राचार्यया निधन जुयेवं
आजि पूजाकर्म गथे याये घयागु जित जुल । आकुल
व्याकुल जिगु मन विरहनं विह्वल जुल । धिर्ज
यायेगु स्थाये मन्त, उगु अवसस्थाय् महायान पूर्व
सेवा खल पाखें श्री अमोघ वज्र गुरुया स्मृतिस
सफूच्चयेगु भारा विया जिगु मन ख्वोगु दिकल ।

अतएव दीवंगत जुया विज्याह्य पूजनीय
गुरुवर पं. श्री अमोघ वज्र वज्राचार्यया चरण
कमले प्रणाम यासैं पूर्व सेवा खलयात दु
नुगलं निसैं घन्यवाद वियाच्चवना ।

— लेखक

धीगुरु अमोघ वज्र प्रति

थौं वस्पोलं थें जाह्य, वज्राचार्य्य समाजे
जोरा मदुगु रत्न समान, चिन्तामणिरत्नया
उपमा वी योग्यह्य, पूजा क्रिया पद्धतिया प्रकाण्ड
विद्वान वस्पोलया थौं असामयिक निघनं याना
क्षति ज्वी मावकोजुल । हाकनं जिपि पूर्व सेवा
खलपिसं वस्पोल याके सयकेगु सीके मागु यक्वहे-
दनिगु खः । दुर्भाग्यवस थौं उजाह्य गुरु मदयेका
च्वनेमागु पूर्वसेवा खलया तःघंगु हानी खः ।

शरिर रक्षायायेया निमित्त नयेगु, पुनेगु, च्वनेगु
थाय्वाय्या गुलि आवश्यकजू अथेहे धर्मसंर-
क्षणया निमित्त साहित्य, संगीत, कला, संस्कार,
संस्कृतिया आवश्यक दु । अथेहे क्रिया संरक्षण या
निमित्त विद्वान कृयाशील गुणवन्त महाज्ञानिपिंगु
नितान्तःआवश्यक जू । तर आनं निह्य प्यह्य
सःस्यूर्पि विद्वान वज्राचार्य्यपि मदुगु मखु, वस्पोल
पिसनं नेपालया बौद्ध महायान वज्रयान तन्त्रयान

तथा पूजा क्रिया पद्धति मःस मस्यूपिन्त याकनं
 शिक्षाध्ययन यांका वज्राचार्यं समाजयात रक्षा
 यायेगु कुतः मयात धालसा थुगु समाज स्वतः
 विलिन जुया वनीगु स्थिति अवगत जुया
 भिगु न्ह्योने दँ वया च्वंगु दु ।

थुगु सेवा खलया महागुरु दिवंगत
 श्री अमोघवज्र वज्राचार्यं श्वहे वंगु ०३५ साल
 माघ १४ गते असामयिक निधन जुया विज्यागु
 लि महायान पूर्व सेवा खल यात आपालं चोत
 परे जुल । वस्पोलया स्मृतिस छुं याय् मखंगुलि
 वस्पोलया स्मरणे छुंयाये मालि धका विचार विम-
 र्शं याना वस्पोलया स्मृतिस सफु छगू च्वय्गु
 निधो कथं पं. वद्रीरत्नयात अनुरोध याना ।
 वस्पोलं जिमिगु अनुरोध कथं तत्काल थुगु“ मचा-
 बु व्यनकेगु सफु” च्वया हया पूर्व सेवा खलः
 यात लः ल्हाना विज्यातः। भीगु जन जीवने जन्म
 जुस्येंलि न्हापांया क्रियाया थुगु सफू सकसितं
 उपयोगि ज्वी घैगु मनंतुना । थुगु सफू चिकिचा

बंगु पुस्तिकाया रूप्य प्रकाश यानागु जिमिगु
खुगुगु प्रकाशन खः ।

थुगु प्रकाशनया पुण्यद्वारा दिवंगत आत्मायात
चिरशान्ति कामना जुयमा घैगु खलखं मनंतुना ॥

पुनः थुगुखलःपि चिन्ता व्याकुलजुया अनुरोध
याना च्वनाकी वज्राचार्य्यं समाज यातः संरक्षण
यायेमागु व प्रत्येक वज्राचार्य्यं पिसं थ्व ख्वं
हृदयंगम याना बिज्यायि घैगु जिपि पूर्व सेवा
खलकं अनुरोध याना च्वना ।

थुगु सफू छापे याय्गुली संशोधन याना सह-
योग प्रदान याना व्यूह्य पं. श्री पूर्णरत्न
वज्राचार्य यात पूर्व सेवा खलकं हार्दिक धन्यवाद
देछाया च्वना ।

— महायान पूर्व सेवा खलः

पुंसवन कर्म

(स्थला दत्तकि यायेगु कर्म)

थ्व पुंसवन कर्म या विधि थथे ॥ न्हापां
प्वाथे दुह्य मिसायात स्नान याके ॥ कलशार्चन
विधि अनुसारं ॥ सूर्यार्घि ॥ पूजा संकल्प ॥
गुरु मण्डलार्चन । पञ्चगव्य ॥ सिन्ह तये ॥ लंख
वलि ॥ त्रिसमाधि ॥ कलश, पति, मत पूजा, चैत्य
देवता पूजा ॥ प्वाथे दुम्हेसित लँस्वये ॥ गुरु-
मण्डलदनके मत पूजा ॥ पञ्चगव्य विये ॥
शिष्याधिवासन ॥ स्वां तये ॥ निलांजन ॥
लोहाग्नि रक्षा ॥ कलशाभिषेक ॥ यत्मङ्गलं
भवतु ते इत्यादि ॥ यथाहि जातमात्रेन इत्यादि ॥
धर्मदान याके ॥ धौ सगं विये ॥ फलाभिषेक ॥
स्वस्तिवाक्य ॥ चाक्र पूजा ॥ लंखवलि ॥
किगो तिने ॥ सगं छाये ॥ सिह तिये ॥ विस-
र्जन ॥ पुंसवन कर्म घँगु थ्व क्रिया थौं कन्हे
चले मजुया चवन ।

(सिमन्तोपनयनं)

ध्व सीमन्तोपनयनं प्वाथे दया खुला वा
च्याला दतकि यायेगु कर्म खः । सीमन्तोपनयन
कर्मया विधि थथे ॥ ह्नापां सूर्यर्घि ॥ पूजा संकल्प ॥
गुरुमण्डलार्चन ॥ पञ्चगव्य ॥ सिंह तये ॥
लंखवलि ॥ मोहनी फये ॥ त्रिसमाधि ॥ कलश
पति, मत मामकी पूजा ॥ देवता पूजा ॥ गर्भ
वतीयात लस्त्रये ॥ गुरुमण्डल दनके ॥ मत
पूजा ॥ पञ्चगव्य विये ॥ शिष्याधिवासन-स्वां
छफो तये ॥ निराञ्जन ॥ लोहाग्नि रक्षा ॥
कलाशाभिषेक ॥ धौ सगं विये ॥ फलाभिषेक ॥
स्वस्तिवाचा ॥ चाक्रपूजा ॥ लंखवलि ॥ किगो
तिने ॥ धौ सगं छाये ॥ सिंह तिये ॥ स्थायभू
दिगतोया गर्भवतीयात लःह्नाये ॥ इच्छा
भोजन याके ॥ कलंक छोये, दिगु समय विये ॥
सकलसियां काये ॥ समया चक्र ॥ विसर्जन ॥
सीमन्तोपनयन धंगु ध्व क्रियानं थौकन्हे चले
मजुया च्वन ।

जातकर्म

(सिचू पालु छाये)

न्हापां मचाबुये वं सिचू पालु धका, चाकु, एला, इमू, पिपि, लवं, जिफो, चि, ग्वे, पालु, भुयु सिन्ह नं फुविया केय् देमास तया माँम्हेसित दिगतोया लह्लाये, अजि छायेके सकसितं काये ।

अनंलि अवूं मचा बुगु सियेवं पिः मध्यनि वले जोशिपिंके नक्षत्र आदि विचायाका, अवूं मचा यात दक्षिणां छाया मचाया रुवाः अवूं स्वये ॥

पिधेने

विधि अनुसारं क्रियायाना जिफोले पिःदिका स्वस्तिवाचा ब्वना लूं, वह खोचां पिधेने । मचा बुगु स्वन्हुया बन्हि पिः, साः छ्वासे वांछोके छोये ।

मचा बु व्यंके

प्यन्हु खुन्हु न्हापां मिजं पिसं सैंः खाये, लुसि घेने, मिसापिनी नं लुसिघेने, सकलसियां मोल्हूये,

मचायात नं मोल्हूके । विधि अनुसारं पूजा ॥
 न्हापां सूर्यार्घि ॥ गुरुमण्डलार्चन ॥ पंचगव्य ॥
 सिन्ह तये ॥ मोहनी फये ॥ लंखवलि ॥ त्रिस-
 माधि ॥ कलश, पति, मतः मामकी, घ्यो साख कष्टि
 तयागु ओंगलसिहः आदिनं विधि थ्यें पूजा ॥
 देवतापूजा माँमनं मचानं लस्वस्ये दुकयाव स्वस्ति
 च्वया फेतुके ॥ गुरुमण्डल दनके ॥ मत पूजा ॥
 मचायात स्वाँ छफो छेले तये ॥ निराञ्जन ॥
 लोहाग्नि रक्षा ॥ पञ्चगव्य बिये ॥ मचायात
 कलश लखं स्नान ॥ बाक्य ॥ यत्तमङ्गल सुरनरा-
 सुरपूजितस्य धर्मस्य तस्य निरात्मकस्य तत्
 मङ्गलं भवतु ते परमाभिषेकः ॥ यथाहि जात-
 मात्रेन त्यादि ० ॥

थाकलि मचायात इचाकाप दिगतोसैं लःह्लाहे ॥
 थनंलि स्वचा दिग तोया लःह्लाये, किगो न्याग
 चिकने धुना मचाया कपाले तिके, छेलेनं चिकं
 तिके ॥ मचा अंगु न्हाके ॥ घौसगं बिये ॥
 मिछूलं लःह्लाये ॥ स्वस्तिवाचा ब्वने ॥ घुठ

मधु प्रासन ॥ अमंली घ्योकष्टि साख तया तैगु
 ओंगलसिमाहः प्रतिमादि देवयात छाये- १ चन्द्र
 सूर्ययात छाये, १ कलशयात छाये, १ दिदि
 वलियात छाये, १ छत्र मचाया न्ह्योने तये, १
 मचायात नसला विये १ ॥ वाक्य ॥ ॐ ह्रीं
 स्वाहा ३ कायविशोधने स्वाहा ॥ ओंगलसिमाहले
 च्वंगु घ्योकस्ति साख नं मचायात मे विजाक्षर
 च्वया नके ॥ वाक्य ॥ ॐ आः सर्वतथागत
 षृतमधुप्राशने स्वाहा ॥ सादुरु त्वंके ॥ वाक्य ॥
 ॐ आः सर्वतथागत चिन्तामृतधारे स्वाहा ॥
 नुसिके ॥ वाक्य ॥ ॐ ह्रीं स्वाहा कायविशोधने
 स्वाहा ॥ श्व नं स्वक तक याके ॥ मचायात
 चिपं थियकागु दक्को वाटास तया कलंक वाके
 छोये ॥

सिथाल पूजा

पूवा, ६ खुफा द्वचिना, वया द्योने थायभूस
श्रीखण्डं इला, महामञ्जुश्री गुर्या मन्त्र मण्डल
स च्वया वाया द्योने तये । खुइप्वा मतं चाहुयेका
च्याके । विधिथ्ये पूजा याना सिथालया रज
बालकयात त्वंके ॥ थ्व क्रिया मिजं मचा-
पिन्तजक यायेगु चलन जुया च्वन ॥

नामा कर्म

मचायात हानं छेले स्वां छफो तये ॥ निरा-
ञ्जन ॥ लोहाग्नि रक्षा ॥ पञ्चामृत ॥ पञ्चगव्य ॥
पञ्चगन्ध ॥ कलश लखं मचायात स्नान ॥
वाक्य ॥ ॐ त्राँ त्राँ खँ हुँ य सत्वरत्न वरधर्म
सःकर्मवज्री मुद्राङ्गणेन सहितस्य विपश्यकस्य ॥
वैरोचनस्य ॥ भव-दुःख विनाशकस्य तत्तमङ्गलं
भवतु ते शान्तिकर (वाद्य) ॥

षष्ठ्या च्चकास गौलोचन किका मचाया
 न्हातिकास तिका नक्षत्रया पाद व कुलया अनुसार
 नाम छुये ॥ ॐ आ तिलकभूषणे स्वाहा । ॐ
 आ (अमुक) वज्रोद्भव नाम तथागत भूर्भवस्व
 कलाभिषेक ॥ वजू अन्याके ॥ दिगवलि बिये ॥
 चाक्र पूजा ॥ लंखवलि ॥ किगो तिनके ॥
 सगं छाये ॥ सिन्ह तिये ॥ शुलि धुनका दिगु
 समय स्वधन याये, देवयात दिगवलि समेत
 सकभनं छाये ॥ दिगवलि विसर्जन यासैं माँमनं
 वलिस दुदुम्हुके बिये, दिदि अजि छ्वासे वलि
 वाके छोये ॥ दिगु समय काये ॥ समयाचक्र ॥
 विसर्जन ॥

- ० इति जात कर्म विधि समाप्त ० -

सूर्य जोपे

(मचायात सूर्य केने)

मचायात निभाले तयेगुयात बालख सूर्यजोपे
धका घायी, लछि वा स्वलां प्यला नं ज्यू । आः
थौंकेने नामाकर्म खुन्हु वा व्यंके खुन्हुहे निभाले
तयेगु चलन जुया च्वं च्वन ।

निष्क्रामण

(मचायात पितयंकेगु)

श्व क्रिया यात मचाबु लहिक वनेगु धका
घाई । थुवेले मचायात चोकिं पिका पिखालुखुनिसे
छ्वास छ्वास पति, दुवा दुवा पति होला होला
व लहिक वनेगु छेँया पिखालखुतक्क होला वनेमा ।
श्वयात हे निष्क्रामण मचायात छेँ पितयकेगु
संस्कार धका घाई ।



1000
1000

1000

1000

श्रीगुरु स्व. पं. श्रमोघ वज्र वज्राचार्य

कृति वं संपादित सफूतः—

८

१. भाषाविलाष
२. शीघ्रछन्दबोध
३. मार धर्षण
४. चतुः षष्टि सम्बर स्तोत्र
५. नेपाल भाषा दानगाथा
६. शाक्यसिंह स्तोत्र माला
७. श्री उष्णीष विजय धारणी
८. पञ्चरक्षादि स्तोत्रविभूषिता
९. गुरुमण्डलार्चन
१०. कलशार्चनादि होमविधान
११. पिण्ड विधान
१२. ताराशत स्तोत्र अनुवाद सहित
१३. सप्तवार धारणी (ग्रहमातृका)

सूचं—श्व सफूलि पुंसवन, सीमन्तोपनयन, जातकर्म,
नामाकर्ण, सूर्य जोषे व निष्क्रामण आदि
समावेश जुया च्वंगु दु ।

—महायान पूर्व सेवा खलः

याकूः— संकटा प्रेस ६/५३४, टेवहा ।